

Tais-aan

Haiza tu tastuqanian, siza saak ihaan hikizasi tu sui, at iskusia zami mabaliv i hangkaci siin kamasia, tu musuqis in saam mulumaq a, nanu in a tina tu ihaan lumaq tulavin angkus i qulaisva maltatala zami, mahau bazbaz zami tu: “Simaq a mu tiningaiu sui a?” Lusqa tu tinguza saak tan-a isia tina tu qalinga, tintaimang, at sisauqdung ni-i tu maqansiap tu napika-uq antalam tinata.

Tuqnang a tina tupa tu: “Taqua tu simaq a mu tiningaiu a.” Ma-aq is ni-i a mu bazbaz qai na-uskunuk a mu maludaq qai!” Tisqa a naubananaz a bazbaz tu: “Tina! ni-i tu sia tuqasnau-aztun.” “Zaku! zaku a tiningaiu suita.” Ma-aq a tina tu tinan-a in qai masu’nuqdaingaz bazbaz tupa tu: “Napatazuk a su maludaq!” Ni-i tu zaav a, makusia naipa qulaisva maludaq i naubananaz naak, kanaqtungan in istaa maludaq qai mal-anuqu a tina haan lungqu-anta, masu’nuq bazbaz tupa tu: “Namaku-aq in a su qabasin is maupatun tu tangqaqai aih!”

Taunahaan in misqang maqmut a, kamiming saak tangis, si-ailun saak naubananaz tupa tu: “Langat i taisbanan in.” “Ka-a tu tangis!” “Ka-a

tu masalpu!” Saulaupaku qai ka-is-anguk tu, mavia tudiip tu, ni-i tu kan-anak taqu tina tu zaku a tiningaiu sui.

Tasban in tu vau qamisan a, munhaan saak Taihuku kuva kasui. Haiza tu tungquvali a, munzakuan naak a u-uskunan taqu zaku tu: “Haiza haan nata bunun kilim su-u.” Miliskin saak tu: “Nasimaq a bunun tantungu zakuan a?” Munnata saak sadu qai amus qana sia naubananaz naak, painukan i mataqdung tu hulus minsuma. Bazbazuk a naubananazun tu: “Mavia a su tu ni-i tu tusanbut taqu inaaq u-uskunan tu masinauba naak i?” Lusqa naipa makanqaisqais antalam zaku tupa tu: “Aupa mataqdung naak a pinainukan, sanbieqis napaqainanan a su naita!”

Unisin qai masapsap naipa isiata qaluup, at mapunhapav tas-a baqlu manau-az tu piing masaiv zaku, at tupa zaku tu: “Maupati tu piing qai kazima-un laupaku papia talbinau-az qai.” Manahipdaingaz naak a is-ang, at pasikalput saam maqaqainan, at pisbabaqbaq.

姊弟情

有天，我從抽屜裡拿錢去買手帕和糖果，母親發現錢少了，很生氣的問我跟弟弟，但弟弟說是他偷，所以母親處罰了弟弟。當夜我哭了，弟弟還安慰我，我恨自己沒勇氣承認。

多年後，我去工廠賺錢，同事說有老鄉找我！」原來是弟弟。我：「你怎麼是我的老鄉？」他笑著說：「我穿這樣說我是你的弟弟，你的同事不會笑妳嗎？」。他摸摸口袋，掏出手捐包著的蝴蝶髮夾送給我，他說髮夾有很多女孩喜歡！我忍不住抱著弟弟哭了。